

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
KANTONALNI SUD U GORAŽDU
Broj: 005-0-Su-26-000008
Goražde, 09.01.2026.godine

Na osnovu člana 31. stav 1. Zakona o sudovima Federacije Bosne i Hercegovine („Službene novine F BiH“ broj: 38/05, 22/06, 63/10, 72/10, 7/13, 52/14 i 85/21), člana 8. stav 1. tačke a.) i b.) Pravilnika o unutrašnjem sudskom poslovanju („Službeni glasnik BiH“ broj: 66/12, 40/14, 54/17, 60/17, 30/18 i 83/22) u vezi sa članom 14. stav 1. Zakona o zaštiti ličnih podataka („Službeni glasnik Bosne i Hercegovine“ broj:12/25),u postupku implementacije Zakona o zaštiti ličnih podataka , dana 09.01.2026.godine predsjednica suda donijela je

P R A V I L A P R I V A T N O S T I

1. Svrha i pravni osnov za obradu ličnih podataka

Pravila privatnosti Kantonalnog suda u Goraždu, na transparentan način pružaju osnovne informacije o obradi ličnih podataka svakom licu čiji se lični podaci obrađuju u ovom sudu. Kantonalni sud u Goraždu, u okviru svojih nadležnosti propisanih članom 28. Zakona o sudovima u F BiH, obrađuje lične podatke nosilaca ličnih podataka izvršavajući svoje pravne obaveze i ovlaštenja pri čemu vodi računa o zaštiti privatnosti i ličnih podataka svih lica sa kojima dolazi u kontakt u okviru obavljanja svojih zakonom propisanih nadležnosti. Ova Pravila privatnosti pružaju informacije kako ovaj sud prikuplja, koristi, obrađuje i štiti lične podatke u skladu sa Zakonom o zaštiti ličnih podataka („Službeni glasnik BiH“ broj:12/25).

Ovaj sud obrađuje lične podatke na osnovu:

- zakonskih obaveza i ovlaštenja
- izvršavanja zadataka od javnog interesa i vršenja službenih ovlaštenja
- vođenja sudskih evidencija i u sudskim postupcima
- ostvarivanja i zaštite prava i pravnih interesa
- saglasnosti nosioca podataka kada je to potrebno i primjenjivo.

2. Vrste ličnih podataka koje ovaj sud obrađuje

Kantonalni sud u Goraždu, u vršenju poslova iz svoje nadležnosti može da obrađuje slijedeće kategorije ličnih podataka:

- identifikacione podatke (JMBG ili drugi identifikacioni broj)
- kontakt podatke (adresa, broj telefona, e-mail i td.)
- podatke sadržane u spisima suda i sudskim evidencijama
- podatke o zaposlenim, sudskim saradnicima i td.

Posebne kategorije ličnih podataka (podaci o zdravstvenom stanju i sl.) obrađuju se kada je to propisano zakonom i uz primjenu posebnih mjera zaštite.

3. Načela obrade ličnih podataka

Kantonalni sud u Goraždu lične podatke obrađuje u skladu sa sljedećim načelima:

- zakonitost, pravičnost i transparentnost;
- ograničenje svrhe obrade;
- smanjenje obima podataka (podaci moraju biti relevantni i ograničeni na ono što je neophodno);
- tačnost i ažurnost (podaci moraju biti tačni i po potrebi ažurirani);
- ograničenje čuvanja
- integritet i povjerljivost
- odgovornost kontrolora.

4. Sigurnost ličnih podataka, zaštita lica i imovine

U ovom sudu su osigurane odgovarajuće tehničke i organizacione mjere zaštite kako bi se spriječio neovlašten pristup, gubitak ili zloupotreba ili neovlašteno otkrivanje ličnih podataka.

U cilju zaštite lica i imovine, kao i osiguranja sigurnosti prostora u Kantonalnom sudu u Goraždu postoji videonadzor. Videonadzor se vrši u skladu sa Zakonom o zaštiti ličnih podataka BiH i drugim pozitivnim propisima. Kamere su postavljene isključivo na mjestima gdje je to nužno radi postizanja navedene svrhe i ne obuhvataju prostorije u kojima bi se narušila privatnost lica.

Lica koja se nalaze u prostoru pod videonadzorom su o tome jasno obaviještena putem vidno istaknutog obavještenja. Videonadzor je u vlasništvu Centra sudske policije BPK Goražde.

5. Prava nosioca podataka u vezi sa obradom ličnih podataka

U skladu sa Zakonom o zaštiti ličnih podataka nosioci podataka imaju sljedeća prava:

- pravo na informisanje o obradi ličnih podataka;
- pravo na pristup ličnim podacima;
- pravo na ispravku netačnih i nepotpunih podataka;
- pravo na brisanje podataka kada su ispunjeni zakonski uslovi;
- pravo na ograničenje obrade podataka;
- pravo na prigovor na obradu ličnih podataka ;
- pravo na podnošenje prigovora Agenciji za zaštitu ličnih podataka BiH.

Za ostvarivanje svojih prava nosioci podataka se mogu obratiti ovom sudu putem kontakt podataka navedenim u ovim Pravilima.

6. Dostavljanje i prenos podataka drugim kontrolorima podataka

Sud neće dostavljati lične podatke trećim licima osim kada je to propisano zakonom ili je to neophodno za izvršavanje sudskih nadležnosti. Prenos ličnih podataka izvan Bosne i Hercegovine može se po potrebi vršiti isključivo u skladu sa zakonom i uz odgovarajuće mjere zaštite.

7. Period čuvanja podataka

Lični podaci se čuvaju onoliko dugo koliko je potrebno za ostvarivanje svrhe obrade, odnosno u skladu sa propisima o arhivskoj građi i službenim evidencijama.

8. Izmjena Pravila privatnosti

Sud zadržava pravo izmjene i dopune ovih Pravila privatnosti u skladu sa izmjenama zakonskih propisa ili u skladu sa praksom. Sve izmjene biće objavljene na web stranici suda.

9. Kontakt podaci suda

Kontrolor podataka: Kantonalni sud u Goraždu,- Trg branilaca br.2 – 73 000 Goražde
tel. 038/224-128; e-mail: nermina.tiro@pravosudje.ba


Ovaj sud je imenovao Službenika za zaštitu ličnih podataka (DPO), kojem se možete obratiti u vezi sa svim pitanjima koja se odnose na obradu ličnih podataka:

Ime i prezime DPO : Nejra Drljević, e-mail: nejra.drljevic@pravosudje.ba

10. Stupanje na snagu

Ova Pravila privatnosti stupaju na snagu danom objavljivanja na oglasnoj ploči i web stranici suda.

PREDSJEDNICA SUDA:


Milijana Bjelović